



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-7123/19
Sarajevo, 06.01.2020.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Admele Hodžić, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 16. Radnoj sjednici Skupštine Kantona Sarajevo održanoj dana 11.12.2019. godine postavila zastupnica Admela Hodžić.

Prilog:

-Akt Uprave policije broj: 02/2-02-2-17/20. od 03.01.2020. godine,
-CD;

Dostaviti:

1. Naslovu;
2. Stručna služba Vlade Kantona Sarajevo;
3. a/a.



MINISTAR

Admir Katica



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

06-01-2020
17/20

Broj: 02/2-02-2-17 /20
Datum: 03.01.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

06-01-2020

Primljeno:			
Org. jed.	Klasif. oznaka	Redni broj	Broj priloga
01-7	022	7123/19	

MINISTARSTVO UNUTRAŠNJIH POSLOVA KANTONA SARAJEVO
- n/r sekretara

PREDMET: Zastupničko pitanje zastupnice Admele Hodžić, odgovor, dostavlja se;

Veza: Vaš akt broj: 01-7-02-2-7123/19 od 23.12.2019.godine

Na 16. Radnoj sjednici Skupštine Kantona Sarajevo održanoj dana 11.12.2019.godine zastupnica Admela Hodžić je postavila zastupničko pitanje slijedećeg sadržaja:

Pitanje:

- „Na osnovu člana 211. i 214. Poslovnika Skupštine Kantona Sarajevo („Službene novine Kantona Sarajevo-Drugi novi prečišćeni takst br.: 41/12, 15/13, 47/15 i 48/16) postavljam pitanje ministru MUP-a KS, gospodinu Admiru Katici da li je obaviješten o hitnom sastanku Kolegija općinskog vijeća Hadžići koji je održan 02.12.2019.godine i Zaključcima sa kolegija na kojem su prisustvovali načelnik VI policijske uprave, komandir Policijske stanice Hadžići, predsjednik Mjesne zajednice Donji Hadžići, članovima Savjeta Mjesne zajednice Donji Hadžići, predstavnici Službe za poslove sa strancima BiH i Međunarodne organizacije za migracije (IOM-u).

Na sastanku je razmatrana aktuelna situacija u vezi sa migrantskom krizom na području općine Hadžići koja je posljednjih dana sve složenija zbog učestalih napada na lokalno stanovništvo, učestalih krađa, uništavanja lične imovine i zastrašivanjem stanovništva sve učestalijim upadima u kuće, pomoćne objekte, automobile u kasnim noćnim satima prilikom čega prouzrokuju strah i nesigurnost i veliku materijalnu štetu.

Ministre Katica možete li nam reći da li raspolazete egzaktnim podacima o broju i vrsti počinjenih prekršaja i krivičnih djela koje su počinili migranti i poduzetim aktivnostima od strane MUP-a ?

Da li je tačan podatak da je prijavljeno i silovanje ili su to dezinformacije ?

Da li se počinio adekvatno sankcionišu ?

Gdje završavaju migranti nakon što ih pustite iz pritvora ?

Zaključcima Kolegija općinskog vijeća upućeni su određeni zahtjevi prema Komesaru i Ministru MUP-a KS da li su već poduzete aktivnosti prema zahtjevima, a ako nisu kada ih planirate poduzeti a radi se o slijedećem:

Zahtjev za postavljanje videonadzora od strane nadležnih institucija na području centralnog dijela općine Hadžići i posebno Mjesne zajednice Donji Hadžići.

Zahtjev za ograničenje kretanja migranata uvođenjem i poštivanjem kućnog reda u migranstkom centru Ušivak, a poštivanje istog van migranstkog centra da prati nadležna policijska uprava.

Zahtijevaju od VI policijske uprave da zajedno sa savjetom Mjesne zajednice Donji Hadžići utvrde rutu kretanja migranata od autobuske stanice u Garovcima do migranstkog centra Ušivak i da ista bude obilježena jasnim putokazima i osvijetljena.

Zadužuje se Općinski načelnik i Komesar MUP-a Kantona Sarajevo da prate situaciju na teritoriji cijele općine Hadžići i pravovremeno poduzmu sve korake u slučaju pogoršnja trenutne situacije.”

Odgovori:

Ponovo naglašavamo, da Zakonom o unutrašnjim poslovima Kantona Sarajevo („Službene novine Kantona Sarajevo“ broj: 1/16) u poglavlju II - unutrašnji poslovi iz nadležnosti Kantona, kretanje i boravak stranaca nisu definisani kao nadležnost Ministarstva unutrašnjih poslova Kantona Sarajevo. Samim tim legalni i ilegalni tranziti i boravci migranata nisu eksplicitna nadležnost ovog organa.

Razmatrajući navedena pitanja došli smo do zaključka da je Uprava policije MUP-a Kantona Sarajevo nadležna dati dio odgovora na pitanja kako slijedi;

Dana 11.12.2019.godine Ministru unutrašnjih poslova Kantona Sarajevo, su dostavljeni odgovori na postavljena pitanja, a koja su identična dijelu postavljenih pitanja zastupnice Admele Hodžić, i to:

- U 2019.godini izvršeno je 17. krivičnih djela u kojima su učestvovali migranti. Od toga 06. krivičnih djela je izvršeno unutar privremenog migrantskog kampa „Ušivak”, u 11. slučajeva migranti se pojavljuju kao oštećeni i kao izvršioci, dok je zabilježeno da su u 6. slučajeva migranti počinili krivična djela na štetu državljana Bosne i Hercegovine. Samo u jednom slučaju je zabilježeno krivično djelo gdje se kao izvršilac pojavljuje državljanin BiH, a isto je izvršeno na štetu migranta.
- Uprava policije je zaprimila jednu prijavu krivičnog djela iz člana 208. KZ F BiH „Bludne radnje” koje je izvršeno unutar privremenog migrantskog kampa Ušivak, dok krivično djelo „Silovanja” u vrijeme kada je postavljeno zastupničko pitanje nije prijavljeno. U vezi prijavljenog krivičnog djela „Bludne radnje” potraga za izvršiocom još uvijek traje.
- U slučaju da za određeno lice koje ima status „migranta” postoje osnovi sumnje da je počinilac krivičnog djela, nakon prikupljanja operativnog materijala i dokaza o izvršenom krivičnom djelu, uz saglasnost nadležnog tužioca, isto se uz izvještaj o počinjenom krivičnom djelu predaje u nadležnost i dalji rad tužilaštva. Potrebno je istaći, da u postupku dokumentovanja određenog krivičnog djela i dokazivanja da je određeno lice izvršilac istog, utvrđivanje identiteta predstavlja opterećujući faktor s obzirom da se radi o licima koja kod sebe ne posjeduju identifikacione dokumente, dok su Zakonom o krivičnom postupku F BiH jasno su propisani određeni rokovi koji se ne mogu odlagati, radi utvrđivanja identiteta uz korištenje drugih metoda i provjera putem Interpola. Ukoliko nadležni tužilac nije dao svoju saglasnost za predaju, isto lice se predaje službenicima Službe za poslove sa strancima” koji mu mogu ograničiti slobodu kretanja i razmotriti mogućnost protjerivanja iz Bosne i Hercegovine. Treba napomenuti da MUP-a Kantona Sarajevo nije organ koji Služba za poslove sa strancima obavještava o mjerama koje poduzima protiv „migranata”, te shodno tome nama nisu poznati slučajevi protjerivanja iz Bosne i Hercegovine u vezi sa opisanom situacijom.

- U vezi sa zaključcima Kolegija općinskog vijeća Hadžići, Uprava policije sa svoje strane preduzima sve mjere i radnje koje su dogovorene i koje su u našoj nadležnosti. Između ostalog saglasni smo sa prijedlogom uspostave videonadzora i uzimamo maksimalno učešće u procjeni ugroženih lokaliteta gdje je neophodno uspostaviti kontrolu uz korištenje videonadzora.

Shodno nastaloj situaciji, a uzimajući u obzir i prethodno navedeno, treba napomenuti da Uprava policije kao sastavni dio Ministarstva, preduzima sve mjere i radnje iz svoje nadležnosti kako bi se stanje sigurnosti na području Kantona Sarajevo održalo na zadovoljavajućem nivou, a istovremeno osiguralo poštivanje ljudskih prava i sloboda koja su zagantovana migranjskoj populaciji.

Povećan broj migranata, kao i težnje da se dodatni broj migranata smjesti u Kantonu Sarajevo bez adekvatnog obezbjeđenja humanih uvjeta za boravak može predstavljati opterećujući faktor po sigurnosnu situaciju u Kantonu Sarajevo, a naročito na mikro područjima gdje je koncentracija istih najveća, tačnije na području općina Ilidža i Hadžići. Trenutno je najbitnije da se suzbije kriminalni potencijal grupe ljudi koja eventualno može biti nezadovoljna uvjetima gdje boravi, ali i sklonost za činjenje krivičnih djela, određenih lica koja imaju kriminalnu prošlost. Zbog činjenice da se raspolaže sa vrlo malo podataka o identitetu, strukturi, kriminalnoj prošlosti, zdravlju, migranata, svakodnevno se u suradnji sa drugim agencijama za provođenje zakona u BiH, ali i na međunarodnom nivou prikupljaju i razmjenjuju potrebni podaci i informacije o migranjskoj populaciji koja boravi na pomenutim lokalitetima.

